

01 來學校上期待的時間

王英娟

「秀娟阿姨，後禮拜的菜單會使借阮看袂？」好啊！恁若冇想欲食的物件攏會使共阿姨講，阿姨會當請廚房阿姨煮予恁食。「誠實的喔！會當看菜單，閣會使家已點菜，仔遮讀冊有夠幸福的啦！」彼是當然的啊！絕對愛煮恁俗意食的料理，嘛定著愛攢恁愛的點心！因為恁是阿姨上重要的人客，人客食了有滿意，就是我上大的快樂。」

秀娟阿姨設計出來的菜色逐工攏無全，予阮遮的學生因仔，平常時仔除了會使食著衛生的飯菜，閣有麵包、雞卵糕、豆奶、牛奶、蘋果汁……足濟項點心，逐工都輪流咧等阮。食著的各種菜蔬、果子也攏是上鮮、上著時的，予阮食甲飽 tin-tong 閣食著滿足。若拄著舊曆的節日，猶閣有割包、肉粽、圓仔通食，選濟物件予阮食袂瘡嘛食袂飲，毋但食飽、食巧，閣食著營養，上重要的是食著一種幸福的滋味。

廚房阿姨的手藝有夠讚，毋但鹹泔下甲拄仔好，閣有法度煮出秀娟阿姨開出來的種種新菜色。阮全班便若看著廚房阿姨揀餐車來教室，連鞭就同齊共廚房阿姨講：「感謝你一粒一的服務，嘛感謝你辛苦的付出。」廚房阿姨就會笑吻吻。

啊若秀娟阿姨咧？伊毋但定會先去廚房試鹹泔，閣會不三時來巡看阮逐班食中晝頓的狀況，溫柔仔問阮講：「飯菜有夠無？料理有恁意無？」繼落去，伊閣會共阮歡喜食中晝頓的畫面翕起來，傳起去群組分享予家長看遮的寶貝因仔食甲真樂暢的模樣。

我捌共阿母講：「學校的愛心媽媽遐爾濟，用心共我飼甲肥胸胸，予我有氣力認真讀冊拚頭名。厝內的阿母千焦你一个，煞惜我惜甲疼命。全款驚我愕著，散學攢點心予我紮去補習班食，轉來閣有阿母牌的宵夜通食。」阿母笑笑仔回我講：「恁學校的護理師阿姨看著你生肉閣生甲遮爾緊，面腔料想會加真歹看喔！」

若問我來學校上期待的是啥物？是上電腦課、體育課抑是下課咧？我會講：「攏毋是，我上期待的是營養午餐啦！」

02 美人魚的美夢

張瓊方

你囡仔時上愛耍啥物？我上俗意的就是要水。聽阮阿母講我自嬰仔的時就袂驚水，別个嬰仔是洗身軀洗甲嘛嘛吼，我顛倒笑甲吱吱叫，若是洗傷緊我閣會受氣無歡喜。

三歲外的時，阿母講美人魚公主的囡仔古予我聽，聽公主逐工佇海裡泗水兼坦坦，我目睷獎金，纏阿母砵砵問公主到底是按怎泗的。自彼工起，我三五時就想欲做美人魚。有一工，趁阮阿母咧暈晝，家己揀椅頭仔倚佇灶跔的水槽仔邊，跔起去內底落水做海來泗。感覺家己泗甲淹金輪人魚公主當歡喜的時，煞予阿母發現規灶跔已經水淹金山寺，落尾當然是予人修理甲金燦燦。毋過若佇房間耍，阮定定會招阮小妹共棉襪被舒咧做海湧，人覆佇頂懸看啥人泗較緊抑是姿勢較趣味。阿母看我遮爾興，規氣予我去學泗水。

頭擺上課，我共游泳衫換了就緊走去游泳池邊仔想欲跳落去，無疑悟予教練擋咧，講跔手愛小振動咧，落水才袂糾筋，只好鼻仔摸咧綴教練做操。等教練喝講：「好，落水！」我隨衝代先，并一聲跳入水。真正是七月半鴨仔——毋知死活，我根本都猶袂曉泗水，無三秒鐘就佇遐五六三十，邊仔咧泗水的阿伯看毋是勢，隨共我插起來。雖然

頭一改就遮爾刺激，我嘛無著驚，顛倒愈堅心、綿爛學。

對彼工開始，上游泳課較贏要電動，事事項項攏趣味，曝甲若塗炭嘛無要緊。過無半冬，掠篙泗、蛤仔泗、坦笑泗攏學了真熟手，泗甲親像海中生物全款有速度閣嬌氣。毋過遮的姿勢攏毋是公主咧泗的，為著完成美夢，我一直央教練共我教海豬仔泗。

開始學海豬仔泗了後，煞發現做美人魚無遐爾仔簡單，我的腰佝跔毋管按怎振動，仙泗都泗袂行，毋過我無矢志，猶原拚勢練習，一定愛變公主！總算感覺家己有進步，偷偷仔歡喜有小可仔成美人魚的時，挂好小妹有一工咧看電視，雄雄大聲喝講：「阿姊緊來，你泗甲若這尾咧！」我隨從去看，哎唷，我這尾美人魚呔會變做水蛆咧！

四年級